

YANGI O‘ZBEKISTON

Ijtimoiy-siyosiy gazeta

№ 35 (1634), 2026-yil 20-fevral, juma



www.yuz.uz



yuz.uznews



yuz_official



yuz.uz_news



yuz.uz_news



O‘ZBEKISTON PREZIDENTI TINCHLIK KENGASHINING G‘AZO SEKTORI BO‘YICHA FAOLIYATINING USTUVOR YO‘NALISHLARINI BELGILAB BERDI

O‘zbekiston Respublikasi Prezidenti Shavkat Mirziyoyev Amerika Qo‘shma Shtatlari Prezidenti Donald Trampning taklifiga binoan 17-19-fevral kunlari Tinchlik kengashining dastlabki yig‘ilishida ishtirok etish uchun amaliy tashrif bilan Vashington shahrida bo‘ldi.



Davlatimiz rahbari 19-fevral kuni Vashington shahrida Tinchlik kengashining dastlabki yig‘ilishida ishtirok etdi.

AQSH Prezidenti Donald Tramp raisligida o‘tkazilgan tadbirda Ozarbayjon, Qozog‘iston, Bahrayn, Indoneziya, Argentina, Paragvay, Ruminiya, Misr, Qatar, Pokiston, Vengriya, Albaniya, Armaniston, Viyetnam, Kambodja, BAA, Turkiya, Kuvayt, Saudiya Arabistoni, Isroil, Marokash va boshqa davlatlar delegatsiyalari rahbarlari ham qatnashdi.

G‘azo sektorini qayta tiklash va gumanitar yordam ko‘rsatish, shuningdek, mintaqada tinchlik hamda barqarorlikni ta‘minlash masalalari muhokama qilindi.

Davlatimiz rahbari o‘z nutqida dastlabki sammitni chaqirgani uchun Amerika Qo‘shma Shtatlari Prezidenti, Tinchlik kengashi raisi Donald Trampga minnatdorlik bildirdi.

O‘zbekiston Tinchlik kengashini tuzish bo‘yicha tinchliksevar tashabbusni qo‘llab-

quvvatlagani va uni muvaffaqiyatli ro‘yobga chiqarishda amaliy ishtirok etishini qat‘iy tasdiqlagani ta‘kidlandi.

— Ishonchim komil, kengash ishi G‘azo mintaqasini iqtisodiy va ijtimoiy qayta tiklash uchun qulay sharoit yaratishga imkon beradi, — dedi Shavkat Mirziyoyev.

G‘azoning har qanday tashqi boshqaruv mexanizmi sektor aholisining so‘zsiz ichki qo‘llab-quvvatlashiga tayanishi lozimligi ta‘kidlandi.

Barcha tomonlarning muvofiqlashtirilgan sa‘y-harakatlari G‘azoni tez fursatda qayta tiklash uchun zarur shart-sharoitlarni yaratishga, mojarodan keyingi jarayonlarni barqarorlashtirishga xizmat qilishiga ishonch bildirildi.

Davlatimiz rahbari O‘zbekiston ushbu hududda turar joylar, bolalar bog‘chalari, maktab va kasalxonalar barpo etishga imkon qadar hissa qo‘shishga tayyorligini qayd etdi.

— Bizning uchrashuvimiz xalqaro

birdamlik, tinchliksevarlik va Yaqin Sharqdagi vaziyatni yaxshilashga bo‘lgan umumiy intilishimizning yorqin ifodasidir. Biz Yangi G‘azoni — iqtisodiyoti farovon, aholi uchun munosib turmush sharoitlariga ega bo‘lgan mintaqani barpo etish uchun ushbu tarixiy imkoniyatdan foydalanishimiz zarur, — dedi Shavkat Mirziyoyev.

Tadbirda boshqa xorijiy mamlakatlarning davlat, hukumat va tashqi siyosiy idoralari rahbarlari ham so‘zga chiqdilar.

Yig‘ilish yakunida Tinchlik kengashi faoliyatini qo‘llab-quvvatlash to‘g‘risidagi deklaratsiya imzolandi.

Shu bilan O‘zbekiston Respublikasi Prezidenti Shavkat Mirziyoyevning Amerika Qo‘shma Shtatlariga amaliy tashrifi yakunlandi.

O‘ZA

O‘zbekiston Respublikasi Prezidenti Matbuot xizmati suratlari.

O‘ZBEKISTON RESPUBLIKASI PREZIDENTI SHAVKAT MIRZIYOEYEVNING TINCHLIK KENGASHINING BIRINCHI SAMMITIDAGI NUTQI

Muhtaram Donald Tramp Janobi Oliylari!

Hurmatli sammit ishtirokchilari! Avvalambor, Amerika Qo‘shma Shtatlari Prezidenti Donald Tramp Janobi Oliylariga Tinchlik Kengashining inauguratsiya majlisini tashkil etgani uchun chin dildan minnatdorchilik izhor etaman.

Hech shubhasiz, bugungi sammit bu Prezident Trampning siyosiy irodasi va pragmatizmi natijasidir.

O‘zbekiston Tinchlik kengashini tuzish bo‘yicha tinchliksevar tashabbusni qo‘llab-quvvatladi va uning muvaffaqiyatli amalga oshirilishi borasida o‘zining amaliy ishtirokini qat‘iy bayon etdi.

Ishonchim komil, Kengash ishi G‘azo mintaqasini iqtisodiy va ijtimoiy qayta tiklash uchun qulay sharoit yaratishga imkon beradi.

Shu bilan birga, G‘azoning har qanday tashqi boshqaruv mexanizmi sektor aholisining so‘zsiz ichki qo‘llab-quvvatlashiga tayanishi lozim.

Barcha tomonlarning muvofiqlashtirilgan sa‘y-harakatlari G‘azoni tez fursatda qayta tiklash uchun zarur shart-sharoitlarni yaratishga, mojarodan keyingi jarayonlarni barqarorlashtirishga xizmat qiladi.

Ta‘kidlab aytamanki, O‘zbekiston ushbu hududda turar joylar, bolalar bog‘chalari, maktab va kasalxonalar barpo

etishga imkon qadar hissa qo‘shishga tayyor.

Hurmatli do‘stlar! Ushbu sammit Donald Tramp nomidagi Tinchlik institutida o‘tkazilayotganida ramziy ma‘no mujassam.

Bizning uchrashuvimiz xalqaro birdamlik, tinchliksevarlik va Yaqin Sharqdagi vaziyatni

yaxshilashga bo‘lgan umumiy intilishimizning yorqin ifodasidir.

Biz Yangi G‘azoni — iqtisodiyoti farovon, aholi uchun munosib turmush sharoitlariga ega bo‘lgan mintaqani barpo etish uchun ushbu tarixiy imkoniyatdan foydalanishimiz zarur.

E‘tiboringiz uchun rahmat.

O‘ZBEKISTON – AQSH: MULOQOT VA SHERIKLIK UCHUN ISHONCHLI HAMKOR



O‘zbekiston Respublikasi Prezidenti Shavkat Mirziyoyev Amerika Qo‘shma Shtatlari Prezidenti Donald Trampning taklifiga binoan Vashington shahrida bo‘ldi va Tinchlik kengashining dastlabki yig‘ilishida ishtirok etdi. Tashrif doirasida strategik loyihalar taqdimoti, AQSHning yetakchi kompaniyalari va moliya institutlari rahbarlari ishtirokida uchrashuvlar hamda qator ishbilarmonlik tadbirlari bo‘lib o‘tdi.

Mamlakatimiz bugun tashqi siyosat yo‘nalishida sifat jihatidan yangi bosqichga ko‘tarildi. Rasmiy Toshkent mintaqaviy va global kun tartibini shakllantirishda faol ishtirok etmoqda. Muloqot uslubini belgilayapti. Asosiysi, ikki va ko‘p tomonlama formatlarda amaliy yechimlar taklif qilayotgan davlat sifatida pozitsiyasini mustahkamlamoqda. Bu holat AQSH bilan strategik sheriklik rivojida yaqqol namoyon bo‘lmoqda.

2017-yilga qadar O‘zbekiston va AQSH munosabatlari turg‘un holatda edi. Tashqi siyosati asosiga inson huquqlari, majburiy mehnat muammolari kabi masalalarni qo‘ygani sabab AQSH bizdan ancha masofa saqlab turgan edi. Prezidentimizning siyosiy irodasi, majburiy mehnat va bolalar mehnatini bartaraf etish bo‘yicha tarixiy qarorlari, inson huquqlari sohasidagi islohotlari tufayli ikki mamlakat munosabatlarga nihoyat yangi nafas kirdi.

Davomi 2-betda

HAR BIR BAND, BO‘LIM ANIQ MAQSAD VA NATIJAGA ASOSLANGAN

Aholining turmushi sifati, farovonligi va daromadini oshirish mamlakatdagi islohotlarning asosiy maqsadidir. So‘nggi yillarda bu yo‘nalishdagi sa‘y-harakatlar sezilarli natija ko‘rsatmoqda.

Davlatimiz rahbari tashabbusi bilan davlat organlari faoliyatidagi ustuvor tamoyil inson manfaatlarini ta‘minlashga qaratilgan. Bunday boshqaruv fuqarolarning yillar davomida to‘planib qolgan muammolarini qisqa muddatda manzilli hal etish uchun yaxlit tizimni shakllantirish imkonini berdi. Natijada eng olis va borish qiyin hududlar infratuzilmasi ham yaxshilandi. Sanoat tarmoqlari kengaydi. Zamonaviy texnologiyalarga asoslangan korxonalar soni ortmoqda.

Davomi 3-betda



O‘ZBEKISTON – AQSH: MULOQOT VA SHERIKLIK UCHUN ISHONCHLI HAMKOR

OQIBATDAN SABABLARGA KO‘CHAYOTGAN KURASH TAMOYILI

Boshlanishi 1-betda

Davlatimiz rahbarining 2018-yil 15-17-may kunlari AQSHga ilk rasmiy tashrifi strategik sheriklikning yangi davrini boshlab berdi va uzoq muddatli hamkorlik uchun mustahkam poydevor bo‘lib xizmat qildi. 2023-yil 16-20-sentabr kunlari Nyu-Yorkka amaliy tashrif esa “C5+1” formatidagi birinchi sammit munosabati bilan belgilanib, mintaqaviy hamkorlikning yangi bosqichini mustahkamladi.

O‘tgan yil sentabr oyi avvalida O‘zbekiston Respublikasi Prezidenti va AQSH yetakchisi o‘rtasidagi telefon muloqoti butun jahon siyosatchilari hamda xalqaro ekspertlarning diqqati markazida bo‘ldi. Ana shu muloqot chog‘ida AQSH rahbari O‘zbekistondagi islohotlarni yuqori baholab, ortga qaytmas jarayon deya e’tirof etdi. Bu nafaqat e’tirof, balki tom ma’noda mamlakatimizdagi bunyodkorlik, o‘zgarish va demokratik jarayonlarni tan olishdir.

2025-yil sentyabrda BMT Bosh Assambleyasining 80-yubiley sessiyasi doirasida O‘zbekiston va AQSH

Prezidentlarining uchrashuvi tarixiy ahamiyat kasb etdi. Davlatimiz rahbarining o‘sha yili noyabrda Vashingtonga amaliy tashrifi sheriklikka qo‘shimcha sur‘at bag‘ishladi.

Hamkorlik deklarativ bosqichdan aniq tashabbuslar, kelishuvlar va qo‘shma strategiyalar bosqichiga o‘tdi. Iqtisodiyot siyosiy muloqotning tayanch konstruksiyasiga aylandi. Raqamlar ham buni yaqqol tasdiqlaydi. Xususan, o‘tgan yili tovar ayirboshlash hajmi 1 milliard dollardan oshdi. Eksport 291,7 million dollarga yetdi. Mamlakatimizda AQSH kapitali ishtirokidagi 340 korxona faoliyat yuritmoqda. Shularning 195 tasi 100 foiz AQSH investitsiyasi asosida ishlayapti.

Shu bilan birga, madaniy-gumanitar sohalarda ham hamkorlik mustahkamlanmoqda. Jumladan, Toshkent — Siel, Buxoro — Santa-fe, Zarafshon — Klinton shaharlari o‘rtasida hududlararo aloqalar o‘rnatildi.

Ahamiyatlisi, ayni paytda O‘zbekiston ko‘p tomonlama tuzilmalardagi pozitsiyalarini ham faol mustahkamlab bormoqda. Mazkur siyosatning ramziy

ifodasi sifatida rasmiy Toshkent Tinchlik kengashini tuzish tashabbusiga qo‘shildi.

2026-yil yanvarda Shveysariyaning Davos shahrida Prezidentimiz mazkur kengash nizomini imzolagach, O‘zbekiston yangi xalqaro platformaning ta’sischilaridan biri bo‘ldi.

AQSH Prezidenti ilgari surgan va BMT maydonida qo‘llab-quvvatlangan bu tashabbus mojarolar xavfini kamaytirish hamda jabr ko‘rgan hududlar, jumladan, G‘azo mintaqasini qayta tiklashga qaratilgan.

Shu tariqa O‘zbekiston ishonchli tashqi siyosiy strategiyasi asosida keng ko‘lamli ikki tomonlama hamkorlikdan yangi global mexanizmlarni shakllantirishgacha bo‘lgan jarayonda faol ishtirok etmoqda.

Eng muhimi, bugun O‘zbekiston yaxshi qo‘shnichilikni mustahkamlash, iqtisodiy hamkorlikni kengaytirish, transport va energetika yo‘laklarini rivojlantirish, shuningdek, global beqarorlik sharoitida savdo, investitsiya aloqalarini kengaytirish, raqobatbardosh logistika yo‘nalishlarini shakllantirish va madaniy-gumanitar hamkorlikni chuqurlashtirishga qaratilgan tashabbuslarni ilgari surib kelmog‘da.

Bunday yondashuv O‘zbekistonni muloqot va sheriklik uchun ishonchli hamkorga aylantiradi. Davlatimiz rahbarining AQSHga navbatdagi tashrifi fikrimiz tasdig‘idir. Qisqasi, mazkur tashrif ikki tomonlama munosabatlarni rivojlantirishda muhim bosqich vazifasini bajaradi.

Shokir G‘AFFOROV,
tarix fanlari doktori, professor

HAMKORLIK DEKLARATIV BOSQICHDAN ANIQ TASHABBUSLAR, KELISHUVLAR VA QO‘SHMA STRATEGIYALAR BOSQICHIGA O‘TDI. IQTISODIYOT SIYOSIY MULOQOTNING TAYANCH KONSTRUKSIYASIGA AYLANDI. RAQAMLAR HAM BUNI YAQQOL TASDIQLAYDI. XUSUSAN, O‘TGAN YILI TOVAR AYIRBOSHLASH HAJMI 1 MILLIARD DOLLARDAN OSHDI.

Sharh

Jahon iqtisodiyotining barqaror rivojida transport tizimi alohida ahamiyat kasb etadi. Zero, samarali transport tizimi ichki bozorda xomashyo va mahsulot harakatlarini optimallashtiradi, tashqi savdoda mamlakatning iqtisodiy raqobatbardoshligini oshirib, jahon bozoriga integratsiya jarayonlarini tezlashtirish imkoniyatini beradi. Shu bois, taraqqiyot sari intilgan har bir davlat transport-kommunikatsiya tizimini rivojlantirishga jiddiy e’tibor qaratadi.

Mamlakatimizda ham so‘nggi yillarda milliy taraqqiyot dasturlarida transport-kommunikatsiya va tranzit salohiyatini oshirish, tashishlar xavfsizligini ta’minlash, transport sohasida boshqaruv tizimini takomillashtirishga qaratilgan keng ko‘lamli islohotlar qilinmoqda. Natijada tranzit va yo‘lovchi tashish, eksport va investitsiya hajmi o‘sib bormoqda. Misol uchun, birgina temir yo‘l sohasini olaylik. Milliy statistika qo‘mitasi ma’lumotiga ko‘ra, o‘tgan yil davomida temir yo‘l transportida 10,5 million yo‘lovchi tashilgan. Bu ko‘rsatkich 2024-yildagiga nisbatan 0,7 million kishiga oshgan. Mazkur davrda temir yo‘l transportidan bir kunda o‘rtacha 28,8 ming yo‘lovchi foydalangan.

Poytaxtimiz jamoat transportida metropolitenning o‘rni juda katta. Metroda yo‘lovchilarga qulayliklarni oshirish maqsadida yangi yo‘nalishlar qurilmoqda. Toshkentda yer usti metrosi barpo etildi. Bu yangi yo‘nalishlar poytaxtimizning Yunusobod, Yashnobod, Mirobod, Sergeli va Yangiyo‘l tumanlarini bog‘lab, aholining kundalik qatnoviga katta qulaylik yaratdi.

Shuningdek, avtomobil yo‘llari tarmog‘ini kengaytirish, ushbu sohada tranzit va tashishlar hajmini oshirish bo‘yicha keng qamrovli chora-tadbirlar amalga oshirilmoqda. Avtomobil yo‘llari rekonstruksiya qilinib, yangi yo‘llar qurilyapti. Hududlarda yo‘lbo‘yi infratuzilmasi rivojlantirilib, savdo va xizmat ko‘rsatish shoxobchalari kengaymoqda.

Shu bilan birga, transportda tashuvlarga qo‘yiladigan talablar va shartlarga amal qilinishi borasida tashuvchilar mas’uliyatini kuchaytirish, ma’muriy huquqbuzarliklar to‘g‘risidagi ishlarni ko‘rib chiqishda korruptsiyaga barham berish, transport sohasidagi nazorat samaradorligini yanada oshirish bugungi kunning muhim

Poytaxtimiz jamoat transportida metropolitenning o‘rni juda katta. Metroda yo‘lovchilarga qulayliklarni oshirish maqsadida yangi yo‘nalishlar qurilmoqda. Toshkentda yer usti metrosi barpo etildi. Bu yangi yo‘nalishlar poytaxtimizning Yunusobod, Yashnobod, Mirobod, Sergeli va Yangiyo‘l tumanlarini bog‘lab, aholining kundalik qatnoviga katta qulaylik yaratdi.



TRANSPORT XIZMATI: XAVFSIZLIK VA BARQARORLIK – BOSH MEZON



tizimi rivojiga to‘siq bo‘layotgani ham sir emas.

— Misol uchun, temir yo‘l tashishlari xavfsizligini ta’minlash bo‘yicha kamchilik va huquqbuzarliklar aniqlanganda, Transport nazorati inspeksiya yuridik shaxsa nisbatan faqatgina ko‘rsatma berish bilan cheklanardi, — deydi Oliy Majlis Senati mudofaa va xavfsizlik masalalari qo‘mitasi raisi Qutbiddin Burhonov.

— Oqibatda mas’ul xodimlar o‘z vazifalarini

bajarishda mas’uliyatsizlik va loqaydlikka yo‘l qo‘yardi. Bu esa tashishlar xavfsizligini ta’minlash bo‘yicha qoida va talablarning qo‘pol ravishda buzilishiga olib kelardi. Ana shunday omillar ta’sirida temir yo‘l transporti hamda metropolitenida 2024-yilda harakat va tashishlar xavfsizligi talablarning qo‘pol buzilishi bilan bog‘liq 130 ta hodisa sodir etilgan. Oqibatda harakatdagi tarkib va temir yo‘l infratuzilmasiga qariyb 4 milliard so‘m moddiy zarar yetkazilgan.

Shuningdek, avtomobil yo‘llarining temir yo‘llar bilan tartibga solinmagan kesishmalarida poyezdlar hamda avtotransport vositalari ishtirokida birgina 2024-yilda 38 ta yo‘l-transport hodisasi sodir bo‘lgan va buning oqibatida 11 kishi halok bo‘lgan. Shu bois, Ma’muriy javobgarlik to‘g‘risidagi kodeks yangi modda bilan to‘ldirilib, tashishlar xavfsizligini ta’minlash bo‘yicha qoida va talablarni buzganlik mansabdor shaxslarga va xizmatchilarga bazaviy hisoblash miqdorining o‘n baravari miqdorida jarima solishga sabab bo‘lishi belgilandi.

Bugungi kunda hududlararo bordi-keldilar tobora rivojlanmoqda. Yaqinlarimiz ahvolidan xabar olish yoki sayohat maqsadida olis manzillarga otlanar ekanmiz, arzon, qulay va manzilga tez yetkazadigan transportdan foydalanishga intilamiz. Ammo ba’zida yo‘lovchi tashiyotgan mashina yoki avtobus haydovchisi uzoq manzildan tunda kelib, 2-3 soat dam olib yana ortiga qaytishi bilan bog‘liq holatlar uchrab turadi. Haydovchining bunday

mas’uliyatsizligi va beparvoligi yo‘l-transport hodisasiga sabab bo‘lishi mumkin. Buni quyidagi faktlar ham isbotlaydi. Ma’lumotlarga ko‘ra, 2024-yilda haydovchilar tomonidan mehnat va dam olish rejimiga rioya etilmagani sababli yo‘llarda uxlab qolish oqibatida

351 ta yo‘l-transport hodisasi sodir etilgan va buning oqibatida 189 kishi halok bo‘lgan, 285 nafari esa jarohatlangan.

Bunday baxtsiz hodisalarning oldini olish maqsadida respublikamiz hududida ish vaqti davomiylik 9 soatdan ortiq yoki yo‘nalish masofasi 400 kilometr va undan ortiq masofaga yo‘lovchi va yuklarni tashishda haydovchilarning mehnat va dam olish rejimi Transport nazorati inspeksiya tomonidan nazorat qilib borilishi belgilandi.

Shuningdek, shaharlararo va xalqaro yo‘lovchi tashishni amalga oshirayotgan avtobuslarda taxograf, ya’ni transport vositalariga o‘rnatiladigan nazorat qurilmasi bo‘lib, haydovchilarning ish vaqti, dam olish vaqti, tezlik va masofani yozib boradi. Ushbu qurilma haydovchilarning mehnat va dam olish tartibiga rioya qilinishini ta’minlash va xavfsizlikni oshirish uchun mo‘ljallangan, uni o‘chirgan holda transportni boshqarganlik uchun javobgarlik mavjud.

Biroq ushbu qurilmadagi ma’lumotlarga asosan haydovchining mehnat va dam olish rejimiga bo‘ysunmagani yuzasidan javobgarlik belgilanmagan edi. Bunday kamchiliklar baxtsiz hodisalarga sabab bo‘lishi, bundan ko‘plab yo‘lovchilar ham jabrlanishi sir emas.

Endilikda qonun bilan xalqaro va shaharlararo avtomobil tashuvlarini amalga oshirishda haydovchilarning mehnat va dam olish rejimini buzganlik bazaviy hisoblash miqdorining yetti baravari miqdorida jarima solishga sabab bo‘lishi belgilandi.

Qonunchilikdagi ayrim moddalarda ma’muriy jazo chorasi qat’iy sanksiyada bo‘lmisligi jazo tayinlashda mansabdor shaxsning o‘z mansab yoki xizmat mavqeidan shaxsiy manfaatlarni ko‘zlab moddiy yoki nomoddiy naf olish maqsadida qonunga xilof ravishda foydalanishi, tanish-bilishchilik va korruptsiyaviy holatlarni keltirib chiqarishi mumkin. Shu bois, qonun bilan bir xil toifadagi huquqbuzarliklar uchun har xil miqdorda jarima qo‘llanilishining oldini olish, huquqbuzarlarining qonun oldida tengligini ta’minlash maqsadida Ma’muriy javobgarlik to‘g‘risidagi kodeksga yo‘lovchilarni chiptasiz tashiganklik, tashuvchining o‘z fuqarolik javobgarligini majburiy sug‘urta qilish bo‘yicha majburiyatini bajarmaganlik uchun jarimaning aniq miqdori belgilab qo‘yildi.

Ushbu qonun transport xizmati ko‘rsatishni tashkil etish tizimini takomillashtirish, tashuvlar samaradorligi va sifatini oshirish orqali yuk hamda yo‘lovchilar tashishdagi xavfsizlikni ta’minlashga xizmat qiladi.

Bahor XIDIROVA,
“Yangi O‘zbekiston” muxbiri



HAR BIR BAND, BO'LIM

ANIQ MAQSAD VA NATIJAGA ASOSLANGAN



Lutfulla SUVONOV,
“Yangi O'zbekiston” muxbiri

Boshlanishi 1-betda

Muhimi, aholi bandligini ta'minlash, mehnat bozorida talab yuqori bo'lgan kasb-hunarlarni egallash uchun zarur sharoitlar shahar va tuman markazlari bilan birga eng chekka hududlarda ham yaratilmoqda.

Barqaror rivojlanishni ta'minlash zamonaviy iqtisodiy o'zgarishlar sharoitida ustuvor yo'nalishlardan. Shu bois, jarayonda strategik rejalashtirish alohida ahamiyat kasb etadi. Davlatimiz rahbarining Oliy Majlis va O'zbekiston xalqiga yo'llagan Murojaatnomasida ilgari surilgan taklifga muvofiq, iqtisodiyotning asosiy tarmoqlarini rivojlantirishga qaratilgan konseptual hujjat “O'zbekiston — 2030” strategiyasi qayta ko'rib chiqildi.

Uning maqsadli ko'rsatkichlari, hozirgi o'sish sur'atlari chuqur tahlil qilindi va jahondagi vaziyatni inobatga olgan holda yangilandi. Hujjat loyihasining jamoatchilik muhokamasiga qo'yilgani, ayniqsa, alohida ahamiyat kasb etdi. Uni takomillashtirishda fuqarolardan kelib tushgan takliflar ham inobatga olindi. Bu esa strategiyani tom ma'noda xalqchil hujjat deb atash imkonini beradi. Hujjatning Prezidentimiz tomonidan tasdiqlanishi yakunlovchi bosqich bo'ldi. Aynan shu voqea 16-fevral kuni o'tkazilgan taqdimotning markaziy nuqtasi bo'ldi.

Shu kuni davlatimiz rahbariga eng ustuvor islohotlar dasturlari hamda “O'zbekiston — 2030” strategiyasini 2026-yilda amalga oshirish bo'yicha davlat dasturi loyihalari yuzasidan axborot berildi. Mazkur loyihalar ilg'or xorijiy tajribaga tayanib, mutlaqo yangi yondashuv asosida ishlab chiqildi. Ularda davlat siyosatining joriy yildagi asosiy yo'nalishlari va maqsadli ko'rsatkichlari hamda ularni amalga oshirishning aniq mexanizmlari belgilanmoqda. Dasturlar davlatimiz rahbarining Oliy Majlis va xalqimizga Murojaatnomasida ilgari surilgan tashabbuslar hamda 2026-yil uchun eng ustuvor islohotlarni qamrab olgan.

Ahamiyatli, bu jarayonda “hujjat ishlab chiqishdan natijaga erishish” tamoyiliga o'tilmogda. Har bir tashabbusni amalga oshirish mexanizmlari, yil yakunida ijo natijalari bo'yicha KPI belgilangan. Dasturlar to'g'ridan to'g'ri amal qilish mexanizmlariga ega va ayrim tashabbuslar bo'yicha alohida hujjat qabul qilishni talab etmaydi. Har bir islohotlar dasturi ijrosi uchun shaxsan javobgar bo'lgan mas'ul rahbar va muvofiqlashtiruvchi davlat tashkiloti belgilanmoqda.

Tegishli farmon bilan “O'zbekiston — 2030” strategiyasini “Mahallani rivojlantirish va jamiyatni yuksaltirish yili”da amalga oshirishga oid davlat dasturi, 337 banddan iborat amaliy tadbirlar rejasini, ishlab chiqiladigan normativ-huquqiy va strategik normativ-huquqiy hujjatlar loyihalari ro'yxati ham tasdiqlandi.

2026-yilda sohalar bo'yicha eng muhim 59 ta normativ-huquqiy hujjat loyihasi va strategik islohotlarni nazarda tutuvchi 12 ta normativ-huquqiy hujjat loyihasi ishlab chiqiladi. Loyihalarni ishlab chiqishda jamoatchilik fikrini hisobga olishga alohida e'tibor qaratiladi.

Jamoatchilik muhokamasi natijalariga e'tibor bersak, avvalo, farmon loyihasiga fuqarolar qo'shimcha takliflar bildirganini alohida ta'kidlash kerak, — deydi “Taraqqiyot strategiyasi” markazi ijrochi direktori Eldor Tulyakov. — Eng asosiysi, jamoatchilik muhokamalarida aholining faolligi oshdi. Buni yurtdoshlarimizning deyarli barcha sohada o'z

takliflari bilan ishtirok etganida ham ko'rish mumkin.

Davlat dasturi 23-yanvar — 1-fevral kunlari ommaviy axborot vositalari va internet tarmoqlarida keng targ'ib qilindi. Internetda loyiha bilan 5 milliondan ortiq foydalanuvchi tanishib, 22 mingdan ziyod fikr-mulohaza va takliflar bildirildi.

Tahlillar natijasida konstruktiv deb topilgan 1000 ga yaqin taklif saralab olinib, davlat dasturi loyihasiga kiritildi. Bundan tashqari, AQSH, Germaniya, Turkiya, Fransiya, Kanada, Janubiy Koreya, Yaponiya, Shvetsiya, Portugaliya va Qozog'istonda vatandoshlar ishtirokida muhokamalar tashkil etilib, 60 ga yaqin qo'shimcha taklif olindi.

Dasturlar ijrosini moliyalashtirishga 250,5 trillion so'm ajratilishi va 50,4 milliard dollar mablag' jalb qilinishi ko'zda tutilgan. Davlat dasturi ijrosi bo'yicha Adliya vazirligi va Hisob palatasi doimiy monitoring yuritadi. Vazirlar Mahkamasi har chorakda ijroni muhokama qiladi. Har yarim yilda Oliy Majlis Qonunchilik palatasiga hisobot hamda har oyda Prezidentimizga axborot kiritib boradi. Biriktirilgan mas'ullar har chorakda ijo holati yuzasidan Prezidentimizga axborot beradi.

Davlatimiz rahbari taqdimot qilingan loyihalar bilan batafsil tanishdi. Tegishli farmoni imzolab, islohotlar dasturlari hamda “Mahallani rivojlantirish va jamiyatni yuksaltirish yili” davlat dasturini tasdiqladi.

Barcha islohot va chora-tadbirlar, avvalo, odamlar hayotida aniq natija berishi, yangi ish o'rinlari ko'payishi, daromadlar o'sishi va aholi roziligida o'z aksini topishi zarurligi qayd etildi.

Ma'muriy tuzilma emas, iqtisodiy o'sish manzili

Mazkur farmon O'zbekistonda davlat va jamiyat boshqaruvining eng quyi bo'g'ini bo'lgan mahalla institutining rolini yangi bosqichga olib chiqishni nazarda tutadi. “Mahallani rivojlantirish va jamiyatni yuksaltirish yili” doirasida belgilangan vazirlar mahallani shunchaki ma'muriy tuzilma emas, balki ijtimoiy va iqtisodiy islohotlarning o'sish nuqtasiga aylantirishga qaratilgan.

Bu yo'nalishdagi islohotlarning asosiy mohiyati quyidagi muhim jihatlarda aks etadi. Iqtisodiy faollik va bandlik. Mahallalarda 10 mingga ishlab chiqarish va xizmat ko'rsatish loyihalari amalga oshirilishi orqali joriy yilda 100 mingga yangi ish o'rini ochiladi. Bu aholi bandligini ta'minlash bilan birga mahallalarga ishlab tuzilmining samaradorligini oshiradi.

Kambag'allikka qarshi kurash. 3500 ta mahallani kambag'allikdan xoli hududga aylantirish maqsadi davlatning ijtimoiy siyosati manzili va natijador bo'lishini ta'minlaydi.

Infratuzilmani modernizatsiya qilish. Sohaga yo'naltirilayotgan 20 trillion so'm mablag' mahallalarning qiyofasini tubdan o'zgartirish, ya'ni ichki yo'llarni tartibga solish, ichimlik suv va energiya ta'minoti kabi eng dolzarb muammolarni hal etishga xizmat qiladi.

Zamonaviy boshqaruv va nazorat. Ijroni 24/7 rejimda onlayn nazorat qilish tizimi davlat



“O'ZBEKISTON — 2030” STRATEGIYASINI 2026-YILDA AMALGA OSHIRISH BO'YICHA DAVLAT DASTURI LOYIHALARI YUZASIDAN AXBOROT BERILDI. MAZKUR LOYIHALAR ILG'OR XORIJIY TAJRIBAGA TAYANIB, MUTLAQO YANGI YONDASHUV ASOSIDA ISHLAB CHIQLILDI.

Umuman olganda, ushbu islohotlar mahallani xalq bilan davlat o'rtasidagi ishonchli ko'priikka va “farovonlik manzili”ga aylantirishni maqsad qilgan.

— Mahalla raislari mahalladagi mablag'lar xarajatlari borasida har chorak yakuni bo'yicha xalqqa ochiq hisobot berish tizimi yo'lga qo'yiladi, — deydi O'zbekiston mahallalari uyushmasi raisi Qahramon Quronboyev. — Mahalladagi ichki yo'llar, piyodalar va velosiped yo'laklarini tashkil etish bo'yicha ham alohida yo'nalishlar ishlab chiqildi.

Mahallalarda biznes-inkubatorlarni tashkil etish, daraxtlarni kesish holatlari bo'yicha javobgarlik choralari yana-da kuchaytirish maqsadida yigirmaga yaqin yo'nalishda takliflar bildirilgan. Jami 1 million 300 mingga yaqin kishining bandligini ta'minlash va 181 ming oilani kambag'allikdan chiqarish masalalari belgilab olingan. Mol-mulk va yer solig'ining 15 foizi, ayrim jarimalarning 10 foizi mahallalar jamg'armalari yo'naltiriladi.

Texnologik va innovatsion model

Davlat dasturida iqtisodiy islohotlarning yo'nalishlari va aniq natijaga yo'naltirilgan ko'rsatkichlari belgilab berildi. Ya'ni soha va tarmoqlarni texnologik o'sish modeliga o'tkazish orqali joriy yilda YIM hajmini 167 milliard dollar, iqtisodiy o'sishni 6,6 foiz

ishsizlikni 4,5 foizgacha, kambag'allikni esa 2,8 foizgacha tushirish ko'zda tutilgan. Bu ko'rsatkichlar iqtisodiy islohotlarning bevosita inson manfaatlariga xizmat qilishini anglatadi. Investitsiya va xizmatlar bozori. Iqtisodiyotga 50 milliard dollar xorijiy investitsiya jalb etilishi



va xizmatlar bozori hajmining 100 milliard dollardan oshirilishi yangi texnologiyalar va innovatsiyalar oqimini tezlashtiradi.

Qurilish va infratuzilma. Qurilish hajmini 30 milliard dollarga yetkazish va 3500 dan ziyod yangi xizmat ko'rsatish obyektlarini ishga tushirish hududlardagi urbanizatsiya va infratuzilma rivojiga kuchli turtki beradi.

Kasblarni rivojlantirish bo'yicha islohotlar

Kasblarni rivojlantirish dasturi mehnat bozorini tubdan yangilash va aholini ommaviy kasbga tayyorlashga qaratilgan. Dastur doirasida ishsiz va kam ta'minlangan 400 ming kishi kasb-hunar, xorijiy til va tadbirkorlikka o'qitiladi, 200 mingga yaqin maktab bitiruvchisining texnikumlarda kasb egallashi ta'minlanadi.

— Joriy yilda Toshkent shahri va viloyati, Buxoro va Farg'ona viloyatlarida to'rtta data-markaz, ikkita superkompyuter va 15 ta OTMda sun'iy intellekt laboratoriyasi faoliyati yo'lga qo'yiladi, — deydi oliy ta'lim, fan va innovatsiyalar vaziri Qo'ng'irov Sharipov. — Bu orqali 100 dan ortiq sun'iy intellekt loyihalari amalga oshiriladi. Shu bilan birga, to'rtinchi sanoat inqilobi markazi tashkil etiladi. Natijada mamlakatimizda o'rta va yuqori texnologik mahsulotlarni ishlab chiqarish hajmini 5-7 foiz oshirishga erishiladi.

Davlat dasturida ilmiy ishlanmalarni iqtisodiyot tarmoqlariga kengroq joriy etish, ishlab chiqarish samaradorligini oshirish maqsad qilingan. Tadiqotchilar salohiyatini kuchaytirish orqali mamlakatimizda intellektual resurslar ko'lamin kengaytirish va ilmiy-texnologik rivojlanishni jadallashtirish ko'zda tutilmoqda.

— Kasbiy ta'lim sohasidagi yangiliklardan biri sifatida dual ta'lim ishtirokchilariga stipendiya to'lash tartibi belgilanmoqda. Joriy yilning o'zida 100 mingdan ortiq o'quvchi stipendiya bilan ta'minlanadi. Shuningdek, hududlarda Xitoy ustaxonalari faoliyati yo'lga qo'yiladi, — deydi Kasbiy ta'lim agentligi direktori Azimjon Husanov.

— Shuningdek, kasbiy ta'lim sohasida o'quvchilarning xalqaro ko'rik-tanlovlardagi ishtirokini munosib rag'batlantirish mexanizmlari joriy etilmogda.

Mustaqil ta'limni rivojlantirish uchun 100 dan ortiq kasbni o'rgatuvchi milliy platforma ishga tushiriladi va 24 ta malaka baholash markazi tashkil etiladi. Ta'limdan ishga o'tishni ta'minlash maqsadida “Karyera” elektron platformasi orqali 1,6 million talaba va bitiruvchi hamda 50 mingdan ziyod ish beruvchi yagona mehnat bozoriga ulanadi.

Texnikum tizimi kengaytirilib, 100 mingdan ziyod o'quvchiga stipendiya tayinlanadi. Xalqaro ta'lim dasturlari asosida 8000 o'quvchi tayyorlanadi. Shuningdek, 20 ta O'zbekiston — Xitoy ustaxonasi tashkil etiladi. Umuman, dastur ommaviy kasbga o'qitish va raqamli mehnat bozori orqali iqtisodiyot uchun zamonaviy, raqobatbardosh kadrlar zaxirasini shakllantirishga qaratilgan.

Ekologik muvozanatni ta'minlash va suvdan oqilona foydalanish

Ekologik muvozanatni ta'minlash va suv resurslaridan oqilona foydalanish bo'yicha islohotlar mamlakatda “yashil” iqtisodiyotni shakllantirish hamda tabiiy resurslarni tejashga qaratilgan ustuvor choralarni qamrab oladi. Ushbu yo'nalish doirasida ilg'or texnologiyalarni joriy etish hisobiga 7 milliard kub metr tabiiy gaz tejash, atmosferaga 11 million tonna zararli moddalar chiqarilishining oldi olinishi ko'zda tutilgan.

— Aholining haqli e'tirozlariga sabab bo'lib kelayotgan kunlik ekologik muammolar ushbu dasturda e'tiborsiz qoldirilmagan, — deydi Ekologiya va iqlim o'zgarishi milliy qo'mitasi raisi o'rinbosari Iskandar Qutbiddinov. — Masalan, aholining ekologik transport, ya'ni elektromobilidan foydalanishini rag'batlantirish nazarda tutilmoqda. Bunda imtiyozli avtokreditlar berish rejalashtirilgan. Shuningdek, sanoat korxonalari atmosferaga chiqarayotgan tashlanmalarni kamaytirish borasida ham qator vazifalar belgilangan.



USHBU MAQOLANI
QORAQALPOQ TILIDA
HAM O'QISH UCHUN
QR-KODNI SKANER
QILING!

Mamlakatimizning ayrim hududi subtropik iqlimga ega. U yerda issiqxonalar faoliyat yuritisa, ularga gaz, ko'mir kerak bo'lmaydi. Buni inobatga olgan holda Toshkent shahri va viloyati hududida faoliyat yuritayotgan issiqxonalar subtropik hududlarga ko'chirilsa, ularga qo'shimcha soliq imtiyozlari, subsidiya qo'llanishi ko'zda tutilmoqda.

Shuningdek, 504 ming gektar maydonda suv tejovchi texnologiyalarni joriy etish orqali 5 milliard kub metr suv iqtisod qilinadi. Kadrlar tayyorlash va ekologik madaniyatni kuchaytirish maqsadida 2026/2027-o'quv yilidan boshlab har bir hududda 14 ta “yashil” texnikum dual ta'lim asosida tashkil etiladi. Shu bilan birga, ekspluatatsiya muddati o'tgan avtomobillarni utilitatsiya qilish va ularni qayta ishlash tizimi yo'lga qo'yiladi. Elektromobillardan foydalanish ko'lamin kengaytirish uchun aholiga 16 foizgacha imtiyozli kredit ajratish tartibi joriy etiladi.

Suv resurslarini tejash va infratuzilmani modernizatsiya qilish ham asosiy yo'nalishlardan. Yaqin yillarda suv tejovchi texnologiyalar ko'lami 60 foizdan 80 foizga kengaytiriladi. Xususan, ochiq drenaj, kollektor va kanallarni yopiq tizimga o'tkazish, 1300 kilometr kanal va sug'orish tarmoqlarini betonlashtirish orqali yiliga qo'shimcha 500 million kub metr suv tejash rejalashtirilgan.

Umuman, mazkur choralar ekologik xavflarni kamaytirish, resurslardan samarali foydalanish va aholi uchun barqaror hamda sog'lom yashash muhitini shakllantirishga qaratilgan.

Davlat boshqaruvi va sud-huquq tizimini takomillashtirish

Hujjatda aks etganidek, davlat boshqaruvi va sud-huquq tizimini takomillashtirish maqsadida Oliy Majlis palatalarining tashqi qarzni boshqarish sohasidagi, deputatlarning mahallalarda yashil bog'lar, yashil jamoat parklarini tashkil etishdagi vakolatlari kengaytiriladi.

Sud-huquq tizimida adolat va shaffoflikni ta'minlash maqsadida o'ta og'ir jinoyat ishlarini sudda jamoatchilik vakillaridan iborat xalq vakillari hay'ati iştirakida ko'rib chiqish amaliyoti joriy etiladi. Shuningdek, jinoyat protsessida majburlov choralari qo'llanishi ustidan sud nazorati kuchaytirilib, tergov sudyalari vakolati kengaytiriladi.

Bundan tashqari, korruptsiya, gijohvandlik, ayollar va bolalarga nisbatan zo'rvonlik kabi jamiyat uchun dolzarb tahdidlarga qarshi kurashishning amaliyot tizimi yo'lga qo'yilib, huquqiy tartibot va jamoat xavfsizligini ta'minlashning yangi mexanizmlari joriy etiladi. Dastur xalq muhokamalarini asosida shakllanib, tasdiqlandi. Maqsad va unga erishish yo'llari belgilab berildi. Moliyalashtirish manbalari aniq. Farmon bilan Qoraqalpog'iston Respublikasi Vazirlar Kengashi Raisi, viloyatlar, Toshkent shahri va tuman (shahar) lar hokimlariga islohotlar dasturlarini hududlar kesimida amalga oshirish bo'yicha shaxsiy mas'uliyat yuklatilmoqda.

Davlat dasturi bilan tanishar ekanmiz, har bir band, har bir bo'lim aniq maqsad va natijaga asoslanganiga guvoh bo'lamiz. Asosiysi, davlat dasturi ijrosiga nafaqat davlat idoralari, balki jamoatchilik va nodavlat tashkilotlar ham keng jalb etilyapti. Shuningdek, parlament va jamoatchilik nazoratiga tayanilmoqda. Bir so'z bilan aytganda, hujjat har tomonlama puxta ishlangan, maqsadi esa ezgu. Eng asosiysi, bu jarayonda har birimiz daxldorlik va mas'uliyatni his etmog'imiz muhim ahamiyatga ega.

YANGI O‘ZBEKISTON

UZLUKSIZ TA’LIM POYDEVORI

MUSTAHKAM QURILISHI SHART

USHBU MAQOLANI QORAQALPOQ TILIDA HAM O‘QISH UCHUN QR-KODNI SKANER QILING!

Nuqtayi nazar

E’zozxon KARIMOVA, maktabgacha va maktab ta’limi vaziri

Prezidentimizning shu yil 5-fevraldagi “Maktabgacha ta’lim va tarbiya tizimini yanada takomillashtirish chora-tadbirlari to’g’risida”gi farmonida qator muhim vazifa va topshiriqlar belgilandi.

Birinci navbatda, maktabgacha ta’lim va tarbiya tizimini xorij tajribasi asosida takomillashtirishga e’tibor berilyapti. Bu o’z-o’zidan bog’chalarida zarur sharoit va imkoniyatlar yaratishni talab qiladi. Shuningdek, farzandlarimizning har tomonlama yetuk tarbiyalanishi uchun tarbiyachi-pedagoglarni oliy ma’lumotli qilish, ularga dual ta’lim shaklida o’qish imkoniyati berilyapti. Bundan tashqari, tizimda nodavlat sektorni qo’llab-quvvatlash, tadbirkorlarga qator imtiyozlar berish kabi muhim masalalar farmonda o’z aksini topgan.

Maktabgacha ta’lim tizimida sifatni oshirish maqsadida bog’chalar uchun lokomotiv bo’lib



xizmat qiladigan “Yangi avlod” maktabgacha ta’lim tashkiloti tarmog’ini tashkil etish ham belgilandi. Bu bo’yicha Janubiy Koreya, Yaponiya, Xitoy, Germaniya kabi mamlakatlar tajribasi o’rganildi. Shundan kelib chiqib, biz ham o’yinga asoslangan ta’lim metodi bilan maktabgacha ta’lim tizimini takomillashtirishni rejalashtiryapmiz.

“Yangi avlod” maktabgacha ta’lim tashkilotlari tarmog’i Bolalarni rivojlantirish

innovatsion markazlarini qamrab oladi. Mazkur bog’chalarga bolalar belgilangan tartibda qabul qilinadi.

2026-yilda Toshkent shahri va Qoraqalpog’istonda, 2027-yilda yana 6 hududda, 2028-yilda qolgan 6 ta hududda “Yangi avlod” maktabgacha ta’lim tashkilotlari tashkil etiladi. Ulardagi innovatsion markazlarda ota-onalar uchun ham, pedagoglar uchun ham tarbiya yo’nalishida zamonaviy, yangi texnologiyalar tadqiq qilinadi. Markazlarda ijod va san’at, fan va matematika, jismoniy faollik va sarguzasht, til va tasavvur hamda robototexnika yo’nalishida tematik o’yingohlar ham tashkil etiladi.

Innovatsion markazlarni boshqarish uchun bir nafar direktor o’rinbosari va har bitta tematik o’yingohga yo’riqchi lavozimlari ta’ris etilyapti. Bu ham sohada yangi ish o’rinlari ochish va sog’lom raqobat muhitini vujudga keltirishga xizmat qiladi. Nomzodlar o’z ustida astoydil ishlaydi, tinimsiz izlanadi.

Joriy o’quv yilidan boshlab pedagogika oliy ta’lim tashkilotlarida maktabgacha va boshlang’ich ta’lim yo’nalishi bo’yicha bakalavrlar xalqaro ilg’or tajriba asosida tayyorlanadi. Binobarin, tarbiyachi-pedagoglar malakasini oshirish hamda o’rta maxsus ma’lumotlarni oliy ma’lumotli qilish yuzasidan ham alohida topshiriq bor. Buning uchun tegishli oliy ta’lim tashkilotlari dual ta’lim (5+1) asosida maktabgacha ta’lim yo’nalishida to’lov-shartnoma asosida bakalavrlar tayyorlashni yo’lga qo’yadi. O’z-o’zidan maktabgacha ta’lim

topshiriq berdi. Bu ham soha vakillari uchun rag’bat, moddiy manfaat o’laroq, ta’lim-tarbiyaning sifati oshishida muhim omil bo’ladi.

Mazkur farmon bilan maktabgacha ta’lim tizimida xususiy sektorni qo’llab-quvvatlash yanada kuchaytiriladi. Ayni masala bo’yicha alohida topshiriqlar mavjud.

2026-yil 1-apreldan boshlab Toshkent shahrini istisno qilgan holda maktabgacha ta’lim qamrovi 80 foizdan past bo’lgan tuman (shahar)lardagi tadbirkorlik subyektlari uchun qator imtiyozlar joriy etilmoqda. Xususan, maktabgacha va umumiy o’rta ta’lim tashkilotlarining bo’sh yer maydonida davlat-xususiy sheriklik shartlari asosida maktabgacha ta’lim tashkilotlarini barpo etishga ruxsat beriladi.

Bunda 30 yil ijara to’lovi undirilmaydi. Har bir bola uchun 9 soatlik ish rejimidagi davlat maktabgacha ta’lim tashkilotlarining bir nafar tarbiyalanuvchisiga sarflanadigan xarajatning 50 foizi miqdorida elektron davomlat asosida davlat-xususiy sheriklik bitimi amal qilish muddati davomida subsidiya beriladi. Mazkur imtiyoz qamrov darajasi 80 foizdan past bo’lgan tuman (shahar)larda 2024-yildan boshlab tashkil etilayotgan nodavlat maktabgacha ta’lim tashkilotlariga nisbatan ham tatbiq etiladi. Maktabgacha ta’lim qamrovi 80 foizdan past bo’lgan tuman (shahar)lar ro’xatini esa Maktabgacha va maktab ta’limi vazirligi tomonidan belgilangan tartibda tasdiqlanadi hamda ushbu ro’yxat har moliyaviy yil uchun yangilab boriladi. Nodavlat maktabgacha ta’lim tashkilotlari tarmog’ini kengaytirish uchun joriy etilayotgan imtiyozlar ham joylarda qo’shimcha o’rinlar ochish imkonini beradi.

2027/2028-o’quv yilidan boshlab maktabga tayyorlov guruhleri o’quv turi majburiy o’rta ta’limning dastlabki bosqichi sifatida kiritilishi belgilandi. Ya’ni umumiy o’rta ta’lim tizimi to’rt bosqichdan iborat bo’lyapti. Demak, birinchi bosqichda bir yillik majburiy maktabga tayyorlov dasturi 6-7 yoshli bolalar uchun, keyingisi boshlang’ich sinflar — 7-11 yoshlilar uchun. Bu bosqich 1-4-sinflarni qamrab oladi. Tayanch o’rta ta’lim 5-9-sinflarda 12-16 yoshlilarga beriladi. Oxirigisi — o’rta ta’lim 10-11-sinflar, ya’ni 17-18 sakkiz yoshlilar ishtirokida bo’ladi.

Maktabga tayyorlov guruhlarida o’qigan bolalarga majburiy maktabga tayyorlovdan o’tganlik haqidagi elektron sertifikat beriladi. Ya’ni majburiy maktabga tayyorlov ta’lim dasturi boshlang’ich ta’lim dasturi bilan uyg’unlashtiriladi. Buning uchun “Ta’lim to’g’risida”gi qonun hamda maktabgacha ta’lim to’g’risidagi qonun hujjatlariga tegishli o’zgartirishlar kiritilishi belgilandi.

Tizimda qabul qilinayotgan har bir hujjat, avvalo, qamrovni oshirish, shuningdek, sohaning dunyoviylik kasb etishiga xizmat qiladi. Shunday ekan, mamlakatimiz sharafini ilm-fan bilan himoya qiladigan yosh avlod uchun ham ta’limning poydevorini mustahkam qurishimiz zarur.

ISTIQBOLLI LOYIHALARGA YO’L OCHIQ

Zokir ZIKRIYAYEV, Renessans ta’lim universiteti prorektori, pedagogika fanlari doktori, professor



O‘zbekiston oliy ta’lim tizimidagi keng ko‘lamli islohotlar mamlakat taraqqiyotining ustuvor yo‘nalishlaridan biridir. Oliy ta’limning qamrovini oshirish, o‘qitish sifati va mazmunini xalqaro standartlar asosida yangilash, oliy ta’lim muassasalarining

akademik va institutsional mustaqilligini kengaytirishga qaratilgan izchil chora-tadbirlar samarasini beryapti. O‘zbekiston oliy ta’limi yopiq tizimdan ochiq, raqobatbardosh va global bilim makoniga integratsiyalashgan sohaga aylanayotgani shundan dalolat.



Hamkorlik

Mazkur islohotlarning muhim yo’nalishlaridan biri — xorijiy nufuzli universitetlar bilan hamkorlikni kengaytirish va xalqaro ta’lim dasturlarini joriy etishdir. Qo’shma ta’lim dasturlari, ikki diplomli yo’nalishlar, professor-o’qituvchilar va talabalar almashinuvi, xalqaro akkreditatsiya jarayoni bugungi kun oliy ta’limining ajralmas qismiga aylandi.

Shu nuqtayi nazardan, O‘zbekiston oliy ta’lim tizimidagi islohotlar va Turkiya bilan o’qitish

sohasidagi hamkorlikni o’rganish hamda amaliy natijalarini yoritish bugun dolzarb ahamiyat kasb etadi. Zero, aynan mana shunday hamkorlik orqali bilimga asoslangan taraqqiyot modeli shakllanib, mamlakatning uzoq muddatli rivojlanish maqsadlariga xizmat qiluvchi mustahkam kadrlar poydevoriga yaratilmoqda.

Bugungi globalashuv sharoitida xalqaro hamkorlik ta’lim tizimini rivojlantirishning eng

muhim omillaridan. Ayniqsa, tarixiy ildizlari, madaniy va ma’naviy qadriyatlari mustarak bo’lgan O‘zbekiston va Turkiya o’rtasidagi aloqalar o’qitish sohasida mutlaqo yangi bosqichga ko’tarilmoqda. Prezidentlarning yuqori darjadagi uchrashuvlari, o’zaro do’stona muloqoti ikki davlat o’rtasidagi ta’lim hamkorligini yanada mustahkamlamoqda. Xususan, o’zim faoliyat yuritayotgan Renessans ta’lim universitetida 150 dan ortiq professor-o’qituvchi hamda iqtidorli talabalar uchun Turkiyaning nufuzli universitetlarida qisqa muddatli stajirovkalar tashkil etildi. Ular nafaqat akademik tajriba almashish, balki ta’lim jarayoniga zamonaviy yondashuvlar, ilg’or pedagogik texnologiyalar va innovatsion metodlarni joriy etishda muhim o’rin tutdi. Natijada professor-o’qituvchilarning ilmiy-pedagogik salohiyati yanada oshib, talabalar xalqaro ta’lim muhiti bilan bevosita tanishish imkoniyatiga ega bo’ldi.

Renessans ta’lim universiteti hamda Balikesir universiteti hamkorligida turizm menejmenti yo’nalishida yo’lga qo’yilgan qo’shma ta’lim dasturi hamkorlikning eng istiqbolli natijalaridan. Chunki ushbu dastur doirasida talabalar ikki davlat oliy ta’lim muassasalarida bosqichma-bosqich tahsil olib, bitiruv yakunida ikki universitetning diplomini oladi. Bu talabalarning xalqaro ta’lim sifatiga ishonchini mustahkamlash barobarida yetakchi xalqaro kompaniya va nufuzli tashkilotlarda faoliyat yuritishga keng yo’l ochadi.

Yozgi ta’lim dasturlari ham hamkorlikning eng yorqin va samarali ko’rinishlaridan. Yoz oylarida tashkil etilgan 3 oylik lagerlar doirasida talabalar turizm ta’lim yo’nalishi bo’yicha amaliy bilim va ko’nikmalarini mustahkamladi. Sayyohlik

sanoatining haqiqiy muhitida o’tilgan mashg’ulotlar, amaliy treninglar va tajriba almashuvlar natijasida talabalar nazariya bilan amaliyotni uyg’unlashtira oladigan, xalqaro mehnat bozorida raqobatbardosh mutaxassislar sifatida shakllanmoqda. Bu esa kelgusida mintaqada turizm sohasi jadal rivojlanishiga xizmat qiluvchi kuchli kadrlar zaxirasini yaratishga zamin bo’lmoqda.

Yana bir muhim yutuq shundaki, Turkiyaning nufuzli oliy ta’lim muassasalari—Istanbul universiteti, Istanbul texnika universiteti, Balikesir universiteti hamda Bandirma Onyeddi Eylul universitetlari bilan hamkorlikda Renessans ta’lim universiteti bakalavriat bosqichi bitiruvchilarini magistraturaga maqsadli qabul asosida o’qishga yuborish mexanizmi yo’lga qo’yildi.

Ta’lim bilan bir qatorda madaniy-gumanitar aloqalarni mustahkamlashga qaratilgan tashabbuslar ham izchil yo’lga qo’yilayotir. Jumladan, Renessans ta’lim universitetida tashkil etilgan markazda talabalar turkiy xalqlarning boy madaniy merosi, tili, an’analari va qadriyatlarini chuqur o’rganmoqda. Bu ularning milliy o’zligini anglash va dunyoqarashi kengayishida asqatadi.

O‘zbekiston va Turkiya o’rtasidagi ta’lim sohasidagi keng qamrovli hamkorlik kelajak avlod uchun mustahkam poydevor yaratib, zamonaviy bilimga ega, milliy va umuminsoniy qadriyatlarini chuqur angalaydigan, xalqaro muhitda raqobatbardosh kadrlar yetishib chiqmoqda. Eng muhimi, bu aloqalar ikki do’st va qardosh davlat o’rtasidagi strategik sheriklikni yanada mustahkamlab, ta’lim orqali taraqqiyot sari olib boruvchi barqaror va uzoq muddatli rivojlanish modelini shakllantiryapti.

20-fevral — Butunjahon ijtimoiy adolat kuni

INSON QADR-QIMMATI – YURTIMIZ TARAQQIYOTINING MUHIM OMILI

Jahongir ISAYEV, Barqaror rivojlanish markazi bo’lim boshlig’i

XXI asrdagi taraqqiyot jarayoni ijtimoiy adolat ta’minlanmagan jamiyatda barqaror rivojlanishga erishib bo’lmagligini ko’rsatdi. Iqtisodiy o’sish ko’rsatkichlari qanchalik yuqori bo’lmasin, uning mahsuli aholi qatlamlari o’rtasida adolati taqsimlanmasa, jamiyatda ijtimoiy ishonch susayadi, tengsizlik chuqurlashadi. Natijada davlat va aholi o’rtasida ko’rinmas to’siq yuzaga kelib, o’zaro mas’uliyat va ishonch asoslari zaiflashadi.

Shu bois, BMTning Barqaror rivojlanish maqsadlari tizimida ijtimoiy adolat markaziy g’oya sifatida belgilangan. U kambag’allikka barham berish, munosib mehnat va iqtisodiy o’sishni ta’minlash hamda tengsizlikni qisqartirish bilan uzviy bog’langan.

Hozir qariyb 700 million inson o’ta kambag’allik sharoitida hayot kechirmoqda. Bu ijtimoiy adolat masalasi global xavfsizlik va barqaror taraqqiyotning hal qiluvchi, muhim omiliga aylanganini ko’rsatadi. Rasmiy bandlik darajasi past, ijtimoiy himoya tizimi zaif mamlakatlarda tengsizlik iqtisodiy o’sishni chekllovchi asosiy to’siqlardan biriga aylannmoqda. Demak, ijtimoiy adolat faqat ijtimoiy siyosat yo’nalishi emas, balki milliy rivojlanishning strategik shartidir.

“Yangi O‘zbekiston taraqqiyot modelida “hech kim e’tibordan chetda qolmasligi kerak” degan tamoyil asosiy mezon sifatida qaror topayotgani ijtimoiy davlat barpo etish yo’lidagi izchil harakatlarning natijasidir.



aholini iqtisodiy faollikka jalb etish orqali ijtimoiy qo’llab-quvvatlashning mutlaqo yangi modeli shakllandi. Bu yondashuv insonni ijtimoiy nafaqa oluvchi emas, balki iqtisodiy jarayonlarning faol ishtirokchisiga aylantiradi.

Ijtimoiy adolatning iqtisodiy poydevori munosib mehnatdir. Inson o’z mehnati orqali barqaror daromad topa olmas ekan, jamiyatda teng imkoniyatlar haqida so’z yuritish mushkul. Shu sababli mamlakatimizda bandlik siyosati faqat ish o’rinlari ochish bilan cheklanmay, mehnat munosabatlarini sifat jihatdan takomillashtirish, norasmiy sektorni qisqartirish, mehnat huquqlari himoyasini kuchaytirishga qaratilmoqda.

Yoshlar va xotin-qizlar bandligini ta’minlash, zamonaviy kasblarga tayyorlash va tadbirkorlik muhitini rivojlantirish orqali iqtisodiy o’sish va ijtimoiy barqarorlik o’rtasida mustahkam bog’liqlik ta’minlanaypti. Bu chora-tadbirlar Barqaror rivojlanish maqsadlari doirasida ijtimoiy adolatni iqtisodiy o’sish bilan bog’layotgan muhim mexanizm sifatida namoyon bo’lmoqda. Prezidentimiz bir necha bor ta’kidlagan “kambag’allikka qarshi kurash — insonni mehnati orqali qadrlil qilish” g’oyasi bu yo’nalishning asosidir. Munosib mehnat nafaqat daromad manbai, balki inson qadrlini ta’minlovchi asosiy omil.

Shu bilan birga, ijtimoiy adolat hududlar o’rtasidagi mutanosib rivojlanishni ham taqozo etadi. Markaziy va chekka hududlar o’rtasida ta’lim, tibbiyot, infratuzilma va iqtisodiy imkoniyatlar borasida keskin tafovut saqlanib qolsa, ijtimoiy ajralish xavfi yuzaga keladi. Shu bois, qishloq va tumanlarni kompleks rivojlantirish, transport va muhandislik infratuzilmasini yaxshilash, investitsiyalarni hududlarga yo’naltirish, ijtimoiy xizmatlardan teng foydalanish imkoniyatlarini kengaytirish davlat siyosatining ustuvor vazifasiga aylandi. Bu orqali Barqaror rivojlanish maqsadlarida belgilangan tengsizlikni kamaytirishga qaratilgan islohotlarning amaliy natijasi ta’minlanmoqda.

Yangi O‘zbekiston taraqqiyot modelida “hech kim e’tibordan chetda qolmasligi kerak” degan tamoyil asosiy mezon sifatida qaror topayotgani ijtimoiy davlat barpo etish yo’lidagi izchil harakatlarning natijasidir. Ijtimoiy himoya, inson kapitaliga yo’naltirilgan sarmoya, sifati ta’lim va sog’liqni saqlash tizimini rivojlantirish — bularning barchasi iqtisodiy o’sishning samarasini inson farovonligiga qaratishga xizmat qilmoqda.

Butunjahon ijtimoiy adolat kuni O‘zbekiston uchun xalqaro qatamvimga navbatdagi sana emas, balki mamlakat tanlagan taraqqiyot yo’lining mazmunli ifodasidir. Kambag’allikka qarshi kurashish, munosib mehnatni ta’minlash va tengsizlikni kamaytirish yangi O‘zbekistonning strategik tanloviga aylangan. Ijtimoiy adolatga tayangan davlat siyosati esa barqaror iqtisodiy o’sish, ijtimoiy hamjihatlik va inson qadrlini ta’minlashning eng ishonchli kafolati sifatida namoyon bo’ladi.

2026-yil 20-fevral, 35-son



Bugunning gapi

HAMMUALLIF BO‘LISH O‘Z QO‘LIMIZDA

Baxtga intilib yashash insoniyatga xos umumiy tuyg‘u.

Bobom aytardi: “Erkak kishining baxti — uyiga to‘rtta non ko‘tarib kelishida!”. Xasta buvim derdi: “To‘rt muchang sog‘mi, demak, eng baxtli odamsan!”. Otamning gapi: “Sizlarni (farzandlarimni) o‘qitib, ziyoli qildim, mendan ortiq baxtlisi yo‘qi!”. Onam: “Sen va singillaringning oilasi tinchligi — eng katta baxtim!”. Turmush o‘rtog‘im deydi: “Bolalarimiz yaxshi inson bo‘lib yetishsa, yomonlardan uzoq bo‘lsa, qanday baxt-a!”. Kenja farzandim: “Eng oxirgi telefon modelini olsam edi!”. To‘rt yoshli nabiramga baxt haqida tushuncha berib, “Baxt nima ekan?” deb so‘rasam, mohiyatini anglab-anglamay javob beradi: “Menga ko‘p-ko‘p shirinlik olib kelishingiz”.

Ko‘rinib turibdiki, har kim uchun baxt haqidagi tushuncha yoshi, sog‘lig‘i, mavqei va nihoyat, zamon hamda davrga qarab turlicha ifoda etiladi. Bizning avlod ko‘rgan XX asrning so‘nggi choragida odam qora qozoni qaynab tursa, yangi ust-bosh kiya, qish uchun ko‘mir g‘amlab qo‘ysa, chakka o‘tayotgan uy tomini ta‘mirlab olsa, baxtiyor edi. Yaqin o‘tmishda hatto plastik kartadagi pulni ming mashaqqatda naqdlashtirgan yoki rasmiy kurs bo‘yicha bankdan urto‘polonda xorij valyutisini sotib olishni uddalagan borki, o‘zini baxtli sanardi.

Yana uzoqqa bormaylik. Sport, xususan, boks muxlislarga qarang. Ketma-ket yirik xalqaro musobaqalarning eng yuqori pog‘onalarini egallab, xalqimizga quvonch ulashib kelayotgan bokschilarimiz bir safar oltin emas, kumush yo bronza medalga ega chiqqudek bo‘lsa, ayrim yurtdoshlarimiz norozi kayfiyatga tushib qolayotgani ham bor gap.



Yoki futbol ishqibozlarini oling. Yigitlarimiz saralash turnirining navbatdagi bosqichiga chiqsa, mahallaga osh berishga tayyor muxlislar bor edi. Nihoyat milliy terma jamoa futbol bo‘yicha jahon chempionatiga chiqdi. Millionlab sportsevarlar baxt nimaligini yana bir bor o‘z tanasida his qildi. AQSH, Meksika va Kanada maydonlarida o‘tajak jahon birinchiligi guruhlari qur‘a orqali aniqlangach, avval bitta o‘yinda g‘alaba qozonsak ham mayli degan muxlislar endi qo‘rqmasdan guruhdan chiqish haqida bashoratlarga berilib ketdi.

Baxt shunday tushuncha, uching chegarasi belgilab qo‘yilmagan — ishtaha tanovul paytida keladi. To‘g‘ri, xalqimizda azaldan baxtililik darajasiga ta‘sir ko‘rsatuvchi asosiy omillar sifatida, birinchi navbatda, farzandlar borligi, o‘zbek xalqining oilaviy qadriyatlarga sodiqligi, oiladagi samimiy munosabatlar va g‘amxo‘rlik, sog‘lom hayot kechirish imkoniyati hamda iqtisodiy farovonlik anglangan va e‘tirof etilgan.

Illo, bugun zamon tezlashdi, taraqqiyot jadallashdi, islohotlar ko‘lami quloch yozdi. Shunga yarasha insonlar qarichi, maqsad va murodi, ko‘zlagan marralari darajasi yuksaldi. Bunga so‘nggi yillarda davlatimizda yuritilayotgan odamlarni rozi qilish, turmush farovonligini oshirish, taraqqiy ettirish uchun har tomonlama keng imkoniyatlar yaratish siyosati asosiy omil bo‘ldi. Hozir hech kim yuqorida sanalgan erishuvlarga qanoat qilmaydi.



Nodir MAHMUDOV,
“Yangi O‘zbekiston” muxbiri

Negaki, takror bo‘lsa ham aytamiz: marra yuqorilab, maqsad katalashib boradigan davrlarga keldik va bu tabiiy!

Baxt yoki baxtiyorlik balki ilmiy doiralarda qandaydir formulalar, aniq ilmiy ta‘riflar bilan ifodalanar. Lekin kundalik sodda va murakkab muhitimizda uning o‘lchovi, vazni, bo‘yi, eni, rangi kabi sifatleri mavjud emas. Bitta yagona shakli ham yo‘q. Ammo baxtning zalvori bor. Ana shu zalvor uni baxt sifatida umumiy nuqtada birlashtirib turadi.

Shaxs, jamiyat va bashariyat uchun ifodasi turlicha, ammo maqsad-muddaosi bitta baxt tushunchasi mavjud. Mutafakkir Jaloliddin Rumiy “Odamning eng baxtli lahzasi boshqalarga yaxshilik qilgan damlaridir”, deydi. Abu Nasr Forobiy esa “Inson yuksak kamolotga erishuv yo‘lida harakat qilgandek, aqliy bilimga ham harakat qilsa, hech shubhasiz, o‘zi intilayotgan so‘nggi darajadagi baxt-saodatga erishadi” hikmatini ilgari suradi. Ahamiyat bersangiz, bu o‘rinda zalvor boshqa rakursda namoyon bo‘lyapti.

Har bir inson izlaydigan orzu bu — baxt. Uni faylasuf o‘tkir fikri, olim ilmi, sodda kishi oddiyligi, davlatmand hashamatli uyi, kambag‘al esa pastqam kulbasidan izlaydi. Baxtiyorlik — ma‘naviy hodisa. Uni inson qalbi, ichki huzurlanishi bilan his qiladi.

Bugun zamon shiddati o‘zgarishi oldimizga qo‘ygan maqsad va talablarimizga ham ta‘sir qildi dedik. Bu yerda xalqimizning o‘ziga ichki ishonchi ham muhim ahamiyat kasb etmoqda. Yangi oila



qurgan farzandim uchun yangi uy solaman, kvartira sotib olaman, otam uchun avtomobil xarid qilaman, IELTSdan eng yuqori ball olib, nufuzli ta‘lim dargohida o‘qiyman, zo‘r mutaxassis bo‘lib,

dunyoning yetakchi kompaniyalarida ishlayman deb harakat qilayotgan va bu maqsadlariga erishayotgan hamyurtlarimizning bugun son-sanog‘i yo‘q.

Yangi O‘zbekistonda yetishib kelayotgan “oltin avlod” tiynatida “men kuchliman” degan kayfiyat hukmron. Ma‘naviyat bilan oziqlangan shijoatli avlod o‘zida uyg‘onayotgan vatanparvarlik xislatlarini dunyoga namoyish qilyapti.

Xalqaro miqyosda baxtni, baxtiyorlikni o‘lchashning qator shakllari qo‘llaniladi. Masalan, o‘tgan yili mart oyida BMTning jahon mamlakatlari farovonligi darajasini o‘rganuvchi markazi World Happiness Report O‘zbekistonning baxtli mamlakatlar reytingidagi o‘rni haqida ma‘lumot berdi. Mamlakatimiz aholisi baxtli mamlakatlar reytingida 53-o‘rinni egalladi. Hisobotda Qirg‘iziston 75-o‘rin, Rossiya 72-o‘rin, Moldova 80-o‘rin, Armaniston 87-o‘rin, Tojikiston 90-o‘rin, Gruziya 91-o‘rin, Ozarbayjon 106-o‘rin va Ukraina 111-o‘rinda qayd etilgan.

World Happiness Report xalqaro tadqiqot loyihasi bo‘lib, u butun dunyo mamlakatlardagi odamlarning baxtililik darajasini o‘lchaydi. Reytingni tuzishda mamlakatning iqtisodiy salohiyati (aholi jon boshiga yalpi ichki mahsulot), sog‘liqni saqlash sifati (o‘rtacha umr ko‘rish davomiyligi), erkinlik va xavfsizlik darajasi kabi mezonlar, shuningdek, aholining davlat va uning siyosatiga ishonchi darajasi kabi ijtimoiy jihatlar hisobga olinadi.

“Hamмамizga ayonki, Mirzo Ulug‘bek bobomiz bundan olti asr muqaddam insoniyat uchun yulduzlar xaritasini yaratgan edi. Bugun esa biz hozirgi va kelajak avlodlarimiz uchun baxtli hayotga olib boradigan yo‘l xaritasini yaratishimiz lozim.

Mana shu haqiqatni chuqur his etib, barchamiz birlashib harakat qilsak, har qanday yuksak marrani zabt etishga qodirmiz, biron-bir kuch bizni o‘z yo‘limizdan qaytara olmaydi. Bir bo‘lsak, yagona xalq, yagona millat bo‘lib olg‘a intilsak, ko‘zlagan ulkan maqsadlarimizga albatta yetamiz!

Men bu yo‘lda mard va olijanob xalqimizga ishonaman! O‘zbekistonning beqiyos kuchi va imkoniyatlariga, aziz yoshlarimizning azmu shijoatiga ishonaman!”.

Davlatimiz rahbarining o‘tgan yil dekabr oyi so‘ngida Oliy Majlis va O‘zbekiston xalqiga yo‘llagan Murojaatnomasi aynan shu da‘vat bilan yakunlanadi. Uning ma‘nosini anglangan har bir

yurtdoshimiz esa baxtli hayotga olib boradigan “yo‘l xaritasi”ning hammualliflari qatoridan joy olishi mumkin.

Xulosa o‘zingizdan.

Yangi O‘zbekistonda yetishib kelayotgan “oltin avlod” tiynatida “men kuchliman” degan kayfiyat hukmron. Ma‘naviyat bilan oziqlangan shijoatli avlod o‘zida uyg‘onayotgan vatanparvarlik xislatlarini dunyoga namoyish qilyapti.

www.yuz.uz



yuz.uznews



yuz_official



yuz.uz_news



yuz.uz_news



Mushohada

MARRANI BALAND OLAYLIK

Shuhrat JABBOROV,
O‘zbekiston Respublikasida xizmat ko‘rsatgan jurnalist

Biz haqiqatan shiddatli zamonda yashayapmiz. Xayolga tez-tez bugungi islohotlar va yangilanishlar jarayoni kelajak avlodga qanday meros qoldiradi degan o‘y keladi. Zotan, o‘zligini anglangan, vatan qadriga qadrdorlik hissi bilan yashayotgan har bir yurtdoshimizning ko‘nglidan shunday savollar o‘tishi tabiiy. Bu savollarning javobi esa bitta: biz Uyg‘onish davrida, buyuk o‘zgarishlar va yuksak marralar sari dadil odimlayotgan yangi O‘zbekistonda yashayapmiz.



yig‘ilishda belgilangan vazifalar ham davlatimizning o‘z fuqarolari xavfsizligini har narsadan ustun qo‘yishini yana bir bor tasdiqladi. Tinch va osoyishta vatanda rivojlanish bo‘ladi, bunday yurtdagina kelajakdan umid qilinadi.

Bugungi dorilamon kunlarga baho berishda ko‘pni ko‘rgan nuroniylarimizning fikri g‘oyat qimmatli. 86 yoshni qarshilagan ustoz jurnalist To‘lqin Qozoqboyevning quyidagi so‘zlari ayni haqiqatdir: “Men yoshimni yashab, oshimni oshab, shu kunlarga yetib keldim. Insof bilan, xolis aytganda, bugungi erkinlik, imkoniyatlar tarixda hech qachon bo‘lgan emas. Shu kunlarning qadriga yetishimiz, shukronalik bilan yashashimiz kerak. Mehnat qilgan, el-yurt uchun jon kuydirgan insonlar yuzaga chiqmoqda”.



Bugungi kun manzaralariga xolis nazar tashlagan har qanday inson borki, mamlakatimizdagi tub burilishlarni, hayot sifati oshib borayotganini e‘tirof etmay iloji yo‘q.

Yurtimizda tadbirkorlik muhiti erkinlashtirilishi hamda xususiy sektorga keng yo‘l ochilishi natijasida iqtisodiy-ijtimoiy hayotimizda misli ko‘rilmagan o‘sish kuzatildi. Bozorlarimizdagi to‘kin-sochinlik, xizmat ko‘rsatish sohasidagi ijobiy o‘zgarishlar, zamonaviy restoran va ovqatlanish shoxobchalari ko‘payishi — bularning bari aholi to‘lov qobiliyatining oshgani va turmush darajasi yuksalganidan dalolat beradi.

Bir paytlar oddiy ehtiyojlarni qondirish mushkul bo‘lgan davrlar endilikda tarixga aylandi. Bugun har bir xonadon dasturxonida baraka, har bir oilada ertangi kunga mustahkam ishonch bor. O‘zgarishlar o‘z-o‘zidan bo‘layotgani yo‘q. Bu mamlakatimizda yuritilayotgan oqilona iqtisodiy siyosat va xalqimizning fidokorona mehnati samarasidir.

Bugungi O‘zbekiston — imkoniyatlar mamlakati. Kimki halol mehnat qilishni, o‘z salohiyatini namoyon etishni istasa, uning uchun barcha eshiklar ochiq. Yurtimizning turli hududlarida barpo etilayotgan yangi korxonalar, klasterlar va ishlab chiqarish majmualari minglab yangi ish o‘rinlari yaratmoqda.

Inson mehnati bilan qadrlidir. Bugun jamiyatimizda “tadbirkor — boy, demak, xalq ham boy” tamoyili asosida



“Bugungi O‘zbekiston — imkoniyatlar mamlakati. Kimki halol mehnat qilishni, o‘z salohiyatini namoyon etishni istasa, uning uchun barcha eshiklar ochiq. Yurtimizning turli hududlarida barpo etilayotgan yangi korxonalar, klasterlar va ishlab chiqarish majmualari minglab yangi ish o‘rinlari yaratmoqda.

ish ko‘rilmogda. Odamlarimiz nafaqat ishchi kuchi, balki o‘z biznesini yo‘lga qo‘yib, boshqalarga ham rizq ulashuvchi mulkdorga aylanmogda. Moddiy manfaatdorligi esa pirovardida jamiyat farovonligi va yurt obodligiga xizmat qilayotir.

So‘nggi yillardagi islohotlar markazida “Inson qadri uchun” degan ezgu g‘oya turibdi. Kambag‘allikni qisqartirish, aholining ijtimoiy himoyaga muhtoj qatlamini qo‘llab-quvvatlash bo‘yicha tizimli va manzilli ishlar yo‘lga qo‘yildi. “Mahallabay” ishlash tizimi orqali har bir xonadonning muammosi

Dunyoning turli nuqtalarida notinchliklar, ziddiyatlar va xavotirlarhukm surayotgan bir paytda O‘zbekiston tinchlik va barqarorlik oroli bo‘lib qolmogda. Davlatimiz rahbari o‘z faoliyatining ilk kunlaridanoq xalqimizning tinchligi va salomatligi eng oliy vazifa ekanini belgilab bergan edi.

O‘zbekistonning tashqi siyosatdagi ochiqligi, qo‘shni davlatlar bilan do‘stona aloqalarni mustahkamlagan mintaqamizda xavfsizlik va hamkorlik muhitini yaratdi. 2026-yilning boshida Toshkentda bo‘lib o‘tgan, aholi tinchligi va mol-mulki daxlsizligini ta‘minlashga bag‘ishlangan

Darhaqiqat, vataniga sodiq, uning ravnaqi uchun hissa qo‘shayotgan insonlar bugun qadrlanmogda. Ularning fidoyiligi tufayli O‘zbekiston xalqaro maydonda yangi marralarni zabt etmogda. Bir yilda erishilayotgan natijalar qamrov va mazmun jihatidan o‘n yilliklarga tatigulikdir.

Har bir davrning o‘z chaqirig‘i, o‘z missiyasi bo‘ladi. Bizning vazifamiz boshlangan islohotlarni jadallashtirish, natijalarimizni jahon andozalari bilan bo‘ylashtirishdir. Bugun O‘zbekiston bayrog‘i dunyo arenalarida baland hilpiramogda, madhiyamiz sadolari xalqaro minbarlarda yangramogda. Bu bizga g‘urur va iftixor bag‘ishlaydi.

Keyingi paytlarda minbarlarda yangrayotgan “Marrani baland olaylik” degan ezgu da‘vat shunchaki shior emas, balki har birimizning kundalik faoliyatimiz mezon, hayotiy dasturilamalimizga aylanishi lozim. Zero, marrasi baland xalqning kelajagi ham buyuk bo‘ladi.

“Yangi O‘zbekiston” va “Правда Востока” gazetalari tahririyati” DM

MUASSIS:
O‘zbekiston Respublikasi
Vazirlar Mahkamasi

Bosh muharrir:
Salim DONIYOROV

Tahririyatga kelgan qo‘lyozmalar taqriz qilinmaydi va muallifga qaytarilmaydi.
Gazetaning yetkazib berilishi uchun obunani rasmiylashtirgan tashkilot javobgar.
Gazeta tahririyat kompyuter markazida sahitfalandi.
Gazetaning poligrafik jihatdan sifatl chop etilishiga “SHARQ” NMAK mas‘ul.

O‘zbekiston Respublikasi Prezidenti Administratsiyasi huzuridagi Axborot va ommaviy kommunikatsiyalar agentligi tomonidan 2020-yil 13-yanvarda 1047-raqam bilan ro‘yxatga olingan.
Nashr indeksi — 236. Buyurtma — G-146.
32015 nusxada bosildi.
Hajmi — 3 taqob. Ofset usulida bosilgan. Qog‘oz bichimi A2.
Bahosi kelishilgan narxda.

Navbatchi muharrir: Risolat Madiyeva
Musahhih: Akbar Qarshiyev
Dizayner: Xurshid Abdullayev

Manzillimiz:
100060, Toshkent shahri,
Shahrisabz ko‘chasi, 85-uy